

Informaziun dils uffecis parochials e dallas pleivs dil decanat Surselva pertuccont las mesiras en connex cul coronavirus

Disposiziun surordinada

Las mesiras decretadas dil Cantun Grischun valan era per las pleivs dil Grischun.

Naven da gliendisdis, ils 16 da mars 2020 allas 12.00 entochen ils 30 d'avrel 2020 ein tut las occurrenzas religiusas scumandadas!

- Excepiu duront quei temps ein sulettamein sepulturas, denton mo el ravugl dalla famiglia (consort/a, partenari/a, geniturs, fargliuns, affons, tats e tattas) e quei senza s. messa.
- Las baselgias e capluttas restan aviartas sco usitau per ina viseta ed oraziun persunala.
- Persunas malsaunas che giavischan la song'uncziun ni in discuors pastoral astgan s'annunziar da tut temps tiel plevon.
- Duront quei temps e surtut la jamna Sontga e la fiasta da Pastgas han parochianas e parochians la pusseivladad da mirar e tedlar las messas e festivitats religiusas sin plirs emiturs da televisiun e radio sco era egl internet.

Oraziun el temps dil Corona

Diu e Bab, nus rughein tei per tia protecziun encunter il coronavirus che sederasa spert ed ha gia tucchau massa gliעד e pretendiu la veta da biars sigl entir mund. Preserva nossas famiglias, nossa societad ed igl entir mund da quella malsogna e las catastofas che savessan seresultar ordlunder. Sclarescha igl intelletg dils experts dalla medischina e las regenzas ed organisaziuns, ch'els anflien beinspert sligiazions per cumbatter quella epidemia. Nus rughein per tuts pertuccai, ch'els gaudien ina buna tgira e vegnien beingleiti puspei sauns. Meina ils cars defuncts alla veta perpetna. Amen.

Babnos... Salidada... Gloria...

Lein sefidar dil Segner, far nossas oraziuns e tener en las reglas, las quallas nus essan momentan suttamess en speciala maniera. En quella situaziun ch'ei va buca sco nus havessan bugen savein nus prender la caschun da ponderar, tgei ei ussa ed oz impurtont per nossa veta e buca emplidar la veta perpetna.

Jeu cussegliel da far meditaziuns a casa cun perseguitar la messa ellas medias electronicas, cun far oraziuns e leger la bibla. Vinavon dat ei era la pusseivladad da far la communiun spirituala (www.bistum-chur.ch).

Dieus pertgiri vus tuts!

Per il decanat Surselv

sur dr. Tomasz Piotr Drwal - decan